

POAT 3

JEISTLICHET LÄWEN

HAUNTBUAK



W ä a S i e E k j E n C h r i s t u s ?

PASTOR JOHN WALL

POAT 3

JEISTLICHET LÄWEN

HAUNTBUAK

W ä a S i e E k j E n C h r i s t u s ?

PASTOR JOHN WALL

Enhault

Enleidunk	2
Lekzion 1 SECHAHEIT EN CHRISTUS.....	3
Lekzion 2 GLOOWEN.....	6
Lekzion 3 DE UASOAKEN FA MENSCHEN ÄÄ TWIEWEL	9
Lekzion 4 GRUNT TOOM SECHA EN DE RADUNK SENNEN / CHRISTUS SIEN WOAKJ	13

3

POAT DREE

De Sechaheit Daut Ekj Jerat Sie

Sechaheit enne Radunk es en Christus auleen

Enleidunk

**Wan ekj vondoag storf un ver Gott stunt un Hee mie fruach,
„Wuarom sull Ekj die en Mien Heiljen Himmel nenloten?“
waut wudd miene Auntwuat sennen?**

- i. Doa es ne Jeschicht von een Reisenda, en dee Tiet wua Menschen jroz aufongen no Amerika to komen. Eene Winta Nacht kjeem een Maun aun een breeda Riefa naun. Hee must doa äwa, oba doa wia kjeene Brigj. Doa wia ne Schicht les äwam Riefa, oba hee wist nich woo secha daut wia. Hee stund un twieweld ne Tietlack, oba schlieslich proowd he daut les met een Foot, un daut bruak nich twei. De Nacht kjeem bosich noda, un hee must doa äwa. Met groote Angst un väle Sorjen fonk hee aun doa nopp to krupen oppe Henj un Kjneejen, met Hopninj siene Wicht to vespreeden opp daut onsehre les. Aus hee en Enj jekropen haud, hieed hee haustich Pietsshoofta un mootjet Sinjen. Doa, meist em Diestren, fua een schaftja Maun opp een Woagen voll Kolen äwa daut les, un een stoakjet Pieet schlapt daut. Dee Maun sunk mootich biem foaren. Hee wist daut daut les secha wia un hee haud nich Angst. Beid Mana wieren gaunz secha opp daut les. Daut les wia dikj un hoat. Daut wudd leicht haben twee mol dän Woagen siene Wicht jehoolen. Een Maun twieweld un haud Angst wäajen hee nich wist woo secha hee wia un wort nich enn, woo hoat un dikj daut les wia. Dän aundren Maun jinkj daut scheen, aus hee äwa dän enjefroarnen Rifa fua, wäajen hee wist onen Twiewel, daut daut les nich wudd twei bräakjen un daut daut Fondament unja am stoakj un secha wia.

**Miene Sechaheit un Scheengonen en miene wundavolle Radunk
es aufhenjich von miene Erkjantnis un Gloowen, äwa woo secha
Gott Siene Vespräakjen sent.**

Sechaheit en Christus

a. _____enne Radunk es en Christus auleen

i. Een woarhauftja Christ es gaunz secha _____.

Johanes 10:27-29 „²⁷ Miene Schop hieren miene Stemm, un ekj kjan an, un dee komen mie hinjaraun. ²⁸ Un ekj jäw an eewjet Läwen, un see woaren niemols omkomen, un kjeena kaun dee ut miene Henj rieten. ²⁹ Mien Voda, dee mie dee jejäft haft, es jrata aus aules, un kjeena kaun mienem Voda dee ut de Henj rieten.“

ii. Väle Christen kjennen Gott Siene butajeweenelje Vespräakjen nich vestonen. See läwen en Onsechaheit, un Angst fa ne faulsche Sechaheit helt äant trigj von de Freid von de sechre Radunk.

b. Sie ekj een woarhauftja Christ?

i. Dree Dinja sent needich dise Froag to beantwuaten:

1. Erkjantnis daut onen Jesus sie ekj hopninjsloos veloaren
2. Omkjieeren no Gott
3. Gloowen en Jesus Christus

ii. Erkjantnis un omkjieren

1. Jleew ekj, daut ekj sie een schuldja veloarna Sinda dee ver een heilja Gott _____steit?

Reema 3:10-19 „¹⁰ soo aus daut jeschräwen steit: “Doa es kjeena dee jerajcht es, uk nich eena. ¹¹ Doa es kjeena, dee een Vestentnis fa Gott haft, ooda no am sieekjen deit. ¹² See haben aula Gott sienen Wajch veloten un sent nuzloos jeworden. Doa es nich eena, dee noch deit waut goot es.” ¹³ “Äare Kjäl es aus een opnet Grauf; äare Tung rät hinjat Licht fierende Lääjes.” “Unja

äare Leppen es Schlangenjeft.”¹⁴ “Äa Mul es voll flieekjen un Bettanis.”¹⁵ “See sent plazlich opp de Feet, wan daut doaropp aunkjemt, Bloot to vejeeten.”¹⁶ Opp äare Wäaj es sest nuscht aus Trua, wiels see aules en de Grunt brinjen.¹⁷ Un see kjanen dän Wajch nich, opp dän doa Fräd es.”!¹⁸ “See seenen nich, daut Gott to ferchten es.”¹⁹ Wie weeten, daut waut daut Jesaz to sajen haft, sajcht daut to dee, dee unja daut Jesaz sent, soo daut kjeena jääjenaun räden kaun, un de gaunze Welt seenen mott, daut see ver Gott veantwuatlich sent.“

Reema 3:23 „Doa es kjeen Unjascheet: Aulemaun haft jesindicht un kjemt doarenn too kort, waut hee bie Gott sennen saul,“

2. Erkjan ekj, daut mien _____ es bees, un onheelboa krank?

Jeremia 17:9 „Wäa kaun daut vestonen, daut Menschen soo hinjarigjsch un vedorwen sent?“

Markus 7:21-23 „²¹ wiels von bennen ut eenem Mensch sien Hoat komen schljachte Jedanken, Huararie, Stälsucht, Mort,²² Ehebruch, Jiez, schljacht sennen, Schuftarie, Lost, Aufgonst, Lastren, Stolt un aule Dommheit.²³ Aul dit schljachte kjemt von bennen un veorreinicht eenen Mensch.“

3. Jleew ekj, daut ekj hab mie dän _____ un de Hal vedeent?

Reema 6:23 „De Loon dän de Sind tolt es de Doot; Gott oba schenkjt daut eewje Läwen en Christus Jesus, onsen Harn.“

4. Sto ekj daut to, daut doa es _____ waut ekj doonen kaun mie selfst to raden?

Titus 3:5 „...rad hee ons. Daut wia nich, daut wie Jerajchtichkjeits Woakjen optowiesen hauden, daut wia ut sien ieejnet Metlieden. Wie worden doaderch niejebuaren, daut hee ons wosch, un derch dän Heiljen Jeist nieet Läwen jeef,“

5. Vesto ekj, daut miene baste _____ woaren mie niemols ne Städ em Himmel jäwen?

Efeesa 2:8-9 „⁸Jie sent derch Gott siene Jnod jerat, wiels jie

jeewen. Daut es nich derch june Woakjen. Daut es een Jeschen-
kj von Gott. ⁹ Daut es nich ut Woakjen, soo daut kjeena Uasoak
haft sikj selfst to lowen.“

6. Vesto ekj, daut miene _____ un Relijion kjennen nich
miene Seel raden?

Jeremia 17:5 „Dit es waut de Har sajcht: Ekj woa däm vedaumen,
dee sikj opp Menschen velat, un oppe Krauft von Mana, un nich
sien vetruen opp däm Harn sat.“

7. Hab ekj daut kloa, daut miene _____ un mien
„schmock sennen“ woat emma kort komen fa dee Jerajchtichk-
jeit waut Gott velangt?

Reema 3:10-12 „¹⁰ soo aus daut jeschräwen steit: “Doa es kjeena
dee jerajcht es, uk nich eena.¹¹ Doa es kjeena, dee een Vestentnis
fa Gott haft, ooda no am sieekjen deit.¹² See haben aula Gott
sienen Wajch veloten un sent nuzloos jeworden. Doa es nich
eena, dee noch deit waut goot es.”

1. Korinta 6:9-10 „⁹ Ooda weet jie nich, daut de ojjerajchte daut
Gottesrikj nich oawen woaren? Lot junt nuscht enbillen! Men-
schen, dee Onzucht driewen, dee Jetta aunbäden, dee de Ehe
bräakjen, Mana dee met Junges ooda met aundre Mana jeschla-
chtlich toopkomen,¹⁰ un stälen, jiezich sent, drinkjen, spotten
un Menschen äwafaulen woaren daut Gottesrikj nich oawen.“

Gloowen

iii. _____

1. Jleew ekj, daut Jesus Christus es Gott Siene _____
Leesunk fa mien Sinden Probleem?

Aposteljeschicht 4:12 „Un doa es uk en sest kjeenem Radunk, wiels ons Menschen es unja däm Himmel sest kjeen Nomen jējäft, derch dän wie kjennen seelich woaren.“

2. Erkjan ekj, _____ aus de eensja Wajch no Gott (Johanes 14:6), de eensje Däa no de Radunk (Johanes 10:9), de eensja Rada fa Sinda (Matäus 1:21), de eensja waut mie eewjet Lāwen jāwen kaun (Johanes 10:28; 17:3)?

Johanes 14:6 „Jesus säd to am: Ekj sie de Wajch, de Woarheit un daut Lāwen, kjeena kjemt nom Voda buta derch mie.“

Johanes 10:9 „Ekj sie de Däa. Wāa derch mie nenn jeit, woat seelich woaren, un woat rut un nenn gonen un Weid finjen.“

Matäus 1:21 „Un see woat eenen Sän to Welt brinjen, dän saust du Jesus nanen, wiels hee woat sien Volkj von äare Sinden raden.“

Johanes 10:28 „Un ekj jāw an eewjet Lāwen, un see woaren niemols omkomen, un kjeena kaun dee ut miene Henj rieten.“

Johanes 17:3 „Daut eewje Lāwen es dit: daut see die, dän eensich woaren Gott, un Jesus Christus, dän du jeschekjt hast, kjanen lieren.“

3. Hab ekj daut kloa, daut Jesus mie leewd aus ekj noch een _____
wia (Reema 5:8; Johanes 3:16), daut Hee storf un trigj oppstunt toom miene Seel raden (Reema 4:25)?

Reema 5:8 „Oba Gott wees ons siene Leew doaren, daut Christus fa ons storf, aus wie noch Sinda wieren.“

Johanes 3:16 „Gott siene Leew fa dise Welt es soo groot, daut hee sienen eensjen Sän jeef, daut aul dee, dee aun am jleewen, nich veloaren gonen, oba daut eewje Läwen haben.“

Reema 4:25 „dee doa hanjejäft wort fa onse Sinden to stoawen un vom Doot oppjewakjt wort, daut wie kunnen jerajchtfoadicht woaren.“

4. Hab ekj daut kloa, daut Jesus fa miene Sind storf, un daut Hee dee _____ haft?

Jesaja 53:6 „Wie wieren aula oppem Errwajch, soo aus Schop, dee jieda sienen ieejnen Wajch gonen. Oba de Har läd aul ons ojjerajcht sennen opp am.“

1. Petrus 3:18 „Wiels Christus storf uk eemol fa aul ons Sinda, dee Jerajchta fa de ojjerajchte, daut hee ons met Gott toopbrinjen kunn. Sien Kjarpa wort dootjemoakt, oba sien Jeist läwd wieda.“

2. Korinta 5:21 „Gott muak dän, dee von kjeene Sind wist, en onse Städ to Sind, daut wie derch am ver Gott jerajcht worden, soo aus daut ver am jellen deit.“

5. Vetru ekj _____, un Am auleen, fa miene Radunk?

Aposteljeschicht 16:31 „See säden to am: Jleew aun dän Harn Jesus Christus, dan woascht du un diene Famielje seelich!“

6. Sie ekj soo aus en Kjint em _____ no Jesus jekomen?

Johanes 6:35 „Jesus oba säd to an: Ekj sie daut Läwensbroot. Wäa no mie kjemt, däm woat nich mea hungren, un wäa aun mie jleeft, däm woat nich mea darschten.“

Johanes 6:37 „Aules, waut de Voda mie jeft, kjemt no mie, un wäa no mie kjemt, dän woa ekj nich rutsteeten.“

Matäus 11:28 „Komt aula no mie, dee jie unja schwoare Lausten gonen un bedrekjt un meed sent, un ekj woa junt Ru jäwen.“

7. Hab ekj derch Gloowen Jesus aus mien _____ aunjenomen?

Johanes 1:12 „Oba aul dee, dee am oppneemen, un aun sienen Nomen jleewen, jeef hee de Macht, Gott siene Kjinja to woaren.“

8. Sat ekj mien _____ opp waut Jesus es (Johanes 8:24), waut Hee jedonen haft (1. Korinta 15:3-4), un waut Hee jesajcht haft (Johanes 6:47)?

Johanes 8:24 „Doawääjen säd ekj to junt, daut jie en june Sinden stoawen wudden. Wiels wan jie nich jleewen, daut ekj dee sie, dee ekj väajäw to sennen, woa jie en june Sinden stoawen.“

1. Korinta 15:3-4 „³ Aus ieeschtet hab ekj junt daut wieda jejäft waut ekj jekjrääjen haud: Christus es fa onse Sinden jestorwen, soo aus jeschräwen steit. ⁴ Hee es begroft worden, un stunt aum dredden Dach vom Doot opp, soo aus jeschräwen steit.“

Johanes 6:47 „Ekj saj junt de Woarheit: Wää aun mie jleeft, haft eewjet Läwen.“

9. Jleew ekj, daut dee waut no _____, dee rat Hee gaunz?

Hebräa 7:25 „Doawääjen kaun hee dee volstendich raden, dee derch am no Gott komen. Hee läft eewich un bät fa an.“

10. Jleew ekj daut, waut de _____ to sajen haft äwa Jesus?

Johanes 5:24 „Ekj saj junt de Woarheit: Wää mien Wuat hieet un däm jleeft, dee mie jeschekjt haft, haft daut eewje Läwen un kjemt nich en daut Jerecht, oba es vom Doot toom Läwen jekomen.“

11. Kaun ekj vom Hoaten sajen, „_____ es mien Heilant“?

- a. Wan wie ons Gloowen opp Jesus saten, dan es onse Radunk secha, aus wie daut vestonen ooda nich.

De Uasoaken fa Menschen äa Twiewel

i. Menschen twiewlen, wäajen see kjennen nich no eene bestemde Tiet wiesen, wua see dän Harn aunneemen.

1. Jleefst du nu aun Christus?

ii. Menschen twiewlen, wäajen see wundren aus see de rajchte Staupen neemen, aus see Christus aunneemen.

iii. Menschen twiewlen, wäajen see kjamfen met Vesieekjunk.

1. Wudd en Christ met dise Sinden kjamfen?

2. Daut Probleem es, nich jenuach Erkjantnis ooda en Misvestentnis äwa:

a. Gott Sien _____ Radunks Plon

2. Korinta 5:21 „Gott muak dän, dee von kjeene Sind wist, en onse Städ to Sind, daut wie derch am ver Gott jera-jcht worden, soo aus daut ver am jellen deit.“

b. De _____ Natua

c. Dän _____ Kaumf waut wie kjamfen

Galata 5:16-17 „¹⁶ Ekj saj junt soo: Waundelt em Jeist, dan woa jie daut nich doonen, wuano daut Fleesch jelesten deit. ¹⁷ Wiels daut Fleesch velangt jrod daut, waut de Jeist nich well, un de Jeist well daut, waut daut Fleesch nich well. Dee beid sent sikj emma jäajenäwa, daut jie nich doonen, waut jie doonen muchten.“

d. _____ en Christus

1. Korinta 3:1-2 „¹ Leewe Breeda, ekj kunn to junt nich soo räden aus to jeistliche Menschen, oba soo aus to fleeschelje, aus to onmindje Kjinja en Christus. ² Ekj jeef junt Malkj to drinkjen, un nich stoakje Kost. Jie wieren noch nich reed doafäa, un jie kjennen daut uk noch nich vedroagen.“

3. Eent von de jratste Uasoaken wuarom Menschen äwa äare Radunk twiewlen, es een Misvestentnis von Gott Siene Radungs Lia, un Ongloowen en Christus Sien foadjet Woakj.
4. Menschen twiewlen, wäajen äant es faulsch jeliheet worden, daut see sullen no sikj selfst un äare Woakjen kjikjen, toom seenen aus see jerat sent.

Grunt toom secha en de Radunk sennen

i. Gott Sien Wuat

1. Gott Sien _____

1. Johanes 5:9-13 „⁹ Wan wie aul jleewen waut Menschen sajen, kjenn wie noch sechra jleewen, waut Gott jesajcht haft. Sien Zeichnis es noch jrata. Un Gott säd, daut Jesus Christus sien Sän es. ¹⁰ Wäa aun Gott sien Sän jleeft, weet bie sikj em Hoat, daut dit soo es. Wäa Gott nich jleeft, nant Gott doamet eenen Lieeja, wiels hee jleeft daut nich, waut Gott von sienem Sän jesajcht haft. ¹¹ Gott haft jesajcht, daut hee ons eewjet Läwen jejäft haft, un dit Läwen es en sienem Sän. ¹² Wäa Gott sienen Sän haft, haft Läwen. Un wäa dän Sän nich haft, haft uk nich Läwen. ¹³ Dit schriew ekj junt, dee jie aun Gott sienen Sän jleewen, daut jie weeten, daut jie daut eewje Läwen haben.“

2. Eewjet _____

Johanes 3:36 „Wäa aun dän Sän jleeft, haft daut eewje Läwen. Un wäa däm Sän nich jehorcht, woat daut Läwen nich seenen, oba blift unja Gott sienen Oaja.“

3. _____ äwa aule Sinden

Aposteljeschicht 10:43 „Hinja disem stonen aule Profeeten met äa Zeichnis, daut wäaemma aun am jleewen woat, woat derch sienen Nomen Sindenejävunk kjrieen.“

Kolossa 2:13 „Jie wieren to eene Tiet jeistlich doot en june Sinden un en june fleeschelje Natua. Oba Gott haft junt derch Christus toom Läwen jebrocht. Hee haft ons aule Sinden vejäft.“

4. _____ vom Vedaumen

Johanes 5:24 „Ekj saj junt de Woarheit: Wää mien Wuat hieet un däm jleeft, dee mie jeschekjt haft, haft daut eewje Läwen un kjemt nich en daut Jerecht, oba es vom Doot toom Läwen jekomen.“

Reema 8:1 „Dan es nu nuscht mea to vedaumen aun dee, dee en Christus Jesus sent, dee nich soo läwen aus daut Fleesch verlangt, oba soo aus de Jeist daut verlangt.“

5. _____ (Gott nant mie jerajcht)

Reema 5:1 „Wiels wie derch dän Gloowen jerajcht jeworden sent, hab wie Fräd met Gott derch onsen Harn Jesus Christus,“

Reema 4:1-6 „¹ Waut sell wie von Abraham, onsen Staumvoda, sajen? Woo wia daut met am? ² Wan Abraham derch siene Woakjen jerajchtfoadicht wort, dan haft hee waut wuaropp hee groot räden kunn, oba nich ver Gott. ³ De Schreft sajcht: “Un Abraham jleewd, un daut wort am aus siene Jerajchtichkeit aunjeräakjent.” ⁴ Een Oabeida sien Loon woat nich aus een Jeschenkj aunjeseenen, oba aus waut, daut hee vedeent haft. ⁵ Oba fa däm, dee nich met Woakjen omjeit, oba aun dän jleeft, dee de gottlose jerajcht moakt, däm woat sien Gloowen aus siene Jerajchtichkeit aunjeräakjent. ⁶ Soo aus David aul von dän Säajen räd, dee äwa soonen Mensch kjeem, dän Gott onen siene Woakjen jerajcht sprääkjen deed:“

Reema 4:25 „dee doa hanjejäft wort fa onse Sinden to stoawen un vom Doot oppjewakjt wort, daut wie kunnen jerajchtfoadicht woaren.

6. _____

Efeesa 2:8-9 „⁸ Jie sent derch Gott siene Jnod jerat, wiels jie jleewen. Daut es nich derch june Woakjen. Daut es een Jeschenkj von Gott. ⁹ Daut es nich ut Woakjen, soo daut kjeena Uasoak haft sikj selfst to lowen.“

7. Gotteskjint derch _____

Johanes 1:12 “Oba aul dee, dee am oppneemen, un aun sienen Nomen jleewen, jeef hee de Macht, Gott siene Kjinja to woaren.”

Reema 8:14-17 “¹⁴ Dee, dee von Gott sienen Jeist jeleit woaren, sent Gott siene Kjinja. ¹⁵ Jie haben nich een Sklowenjeist jek-jräajen, daut jie junt ferchten motten. Jie haben een Jeist jek-jräajen derch dän Gott junt aunneemt aus siene Kjinja, un jie am aunroopen aus Voda, leewa Voda. ¹⁶ De Jeist selfst jeft onsen Jeist daut Zeichnis, daut wie Gott siene Kjinja sent. ¹⁷ Sent wie oba Kjinja, dan sent wie uk Gott siene Oawen un Christus siene Metoawen, daut es, wan wie met am toop lieden, daut wie uk met am toop veharlicht woaren.“

- a. Wan wie von Sechaheit en de Radunk räden, mott wie froagen, “Wää sajcht daut un wää deit daut?”
 - i. Wan bloos ekj daut saj ooda doo, es daut faulsch un kunn ne Liecej sennen.
 - ii. Wan Gott daut sajcht ooda deit, es daut rajcht un Woarheit.

ii. Christus Sien Woakj

1. Christus storf en _____ Städ

2. Korinta 5:21 „Gott muak dän, dee von kjeene Sind wist, en onse Städ to Sind, daut wie derch am ver Gott jerajcht worden, soo aus daut ver am jellen deit.“

2. De Radunk es _____ en onse Woakjen ooda Jerajchtichkjeit

Efeesa 2:8-9 „⁸ Jie sent derch Gott siene Jnod jerat, wiels jie jleewen. Daut es nich derch june Woakjen. Daut es een Jeschenkj von Gott. ⁹ Daut es nich ut Woakjen, soo daut kjeena Uasoak haft sikj selfst to lowen.“

3. De Radunk es bloos en de Persoon Christus un en Sien Woakj, een _____ von Gott

Aposteljeschicht 4:12 „Un doa es uk en sest kjeenem Radunk, wiels ons Menschen es unja däm Himmel sest kjeen Nomen jejäft, derch dän wie kjennen seelich woaren.“

iii. Dän Heiljen Jeist Sien Zeichnis

1. De Heilja Jeist heet, „De Jeist, dee _____ es“

Johanes 14:17 „Daut es de Jeist, dee Woarheit es, dän de Welt nich kjrieen kaun, wiels dee dän nich sitt un uk nich kjant. Jie oba kjanen dän, wiels dee wont en junt, un woat met junt senen.“

2. De Heilja Jeist heet, „De _____“

1. Johanes 2:20 „Oba junt haft Christus dän Heiljen Jeist jejäft, un jie weeten de Woarheit.“

1. Johanes 2:27 „Oba jie haben dän Heiljen Geist jekjräajen, un dee läft en junt, un jie haben daut nich needich, daut junt wää belieren mott. Waut de Geist junt lieet es woa un nuscht jeloagen. Un soo aus hee junt lieet, soo bleibt en am.“

3. De Heilja Geist moakt _____ Sien Wuat en onse Hoaten op

Aposteljeschicht 16:14 „Eene Fru, dee doa horchen deed, wia Liedia, een gottesferchtjet Frumensch von Tiatira, dee met bleiwroodet Zeich haundeld; dää muak de Har daut Hoat op, daut see doaropp achten deed, waut Paulus säd.“

4. De Heilja Geist jeft ons _____ äwa Christus

1. Korinta 2:12-16 „¹² Wie haben nich dise Welt äaren Geist jekjräajen, oba dän Geist, dee von Gott es. Derch disen Geist weet wie, waut Gott ons jejäft haft. ¹³ Dit es daut, wuavon wie räden, nich en Wieed, dee ons de menschelje Weisheit lieet, oba en Wieed, dee ons de Heilja Geist lieet. Soo laj wie de jeistliche Woarheiten ut fa Menschen, dee dän Heiljen Geist haben. ¹⁴ Wää sikj Gott sienen Geist nich unjastalt haft un met sien ieejnet Vestaunt uadeelen well, kaun daut nich vestonen, waut von Gott sienen Geist kjemt. Daut es fa am Onsenn un hee kaun daut nich vestonen. Daut mott eefach met de Help vom Heiljen Geist beuadeelt woaren. ¹⁵ Wää vom Heiljen Geist voll es, kaun äwa aules uadeelen, oba äwa am kaun kjeena uadeelen. ¹⁶ Daut steit jeschräwen: “Wää haft jewist waut de Har em Senn haud, ooda wää kunn am Rot jäwen?”. Wie oba haben Christus sienen Geist un haben siene Jesennunk.“

5. De Heilja Geist jeft ons _____ em Hoat, derch Gott Sien Wuat, daut wie Gotteskjinja sent

Reema 8:15-16 „¹⁵ Jie haben nich een Sklowenjeist jekjräajen, daut jie junt ferchten motten. Jie haben een Geist jekjräajen derch dän Gott junt aunnemt aus siene Kjinja, un jie am aunroopen aus Voda, leewa Voda. ¹⁶ De Geist selfst jeft onsen Geist daut Zeichnis, daut wie Gott siene Kjinja sent.“

iv. Grunt fa Sechaheit

1. Grunt 1.

a. Wie motten onse Sechaheit en de Woarheit von Gott Sien Wuat finjen, un nich en onse _____.

i. De Bibel lieet daut soo aus dit

1. Woarheit = Gloowen = Jefeelen.

2. Grunt 2.

a. Wie motten onse Sechaheit en de Woarheit von Gott Sien Wuat finjen, un nich en onse _____.

i. Wan de Sechaheit fa onse Radunk opp onse ieejne Woakjen jebut es, dan weet wie nienich aus wie aul jenuach jedonen haben, un sent emma _____.

ii. Goode Woakjen komen Gloowen un _____ hinjaraun, nich omjetuscht.

Kolossa 3:1-4 „¹Wan jie nu met Christus vom Doot oppjestonen sent, dan sieekjt no daut, waut bowen es, wua Christus bie Gott aun de rajchte Sied setten deit. ²Denkjt aun daut waut doa bowen es, un nich aun daut waut oppe leed es. ³Jie sent jstorwen, un jun Läwen es met Christus en Gott vestoaken. ⁴Wan Christus, dee nu ons Läwen es, verendach komen woat, dan woa jie met am toop uk harlich hanjestalt woaren.“



Mien Nomen es John Wall. Miene Fru, Lorna, un ekj sent 38 Joa befriet un we sent browe Elren, dee twee Säns, Harrison un Steve (jestorwen), eene Schwiadochta un vea Grootkjinja haben.

Ekj sie dee Unjarechten/Prädjen Pastor bie Lebenswasser Kjoakj.

Daut Teema von Jeistlichet Läwen es sea perseenlich to mie. Aus een junga Christ, hab ekj jewaultich jekjamft met Twiewel un Onsechaheit, aus Gott mie werkjlich vejäft haud un aus Hee mie wudd annämen, wan ekj storf un ver

Am stunt. Dan, derch Gott Siene Jnod, worden miene jeistliche Uagen opjemoakt un ekj kunn vestonen, daut EN CHRISTUS haft Gott ons aul aules jejäft, waut dee Himmel to beeden haft.

Daut es mien deepet Velangen, miene ieejne Menschen (Plautdietsche Mennoniten), halpen to vestonen, waut daut meent, wadajebuaren to sennen un daut to erfoaren, to vestonen un auntonämen waut äare Identität en Christus aus Jleewende es, un eene sechre Jewessheit äwa dee Erleesunk, derch dee wundavolle Jnod von Gott, to haben.

Mie jeit daut sea scheen, dee Woarheiten vom Jeistlichen Läwen to unjarechten!